

ANIMADVERSIONES.

„ Accaron, Urbs Palestinæ in Philistinorum finibus: Azoto, Jamniæ, & Geth Urbi-
bus finitima. Nunc vicus Accaron adhuc dictus, teste Brocardo, à littore, & ab
Azoto 8. M. P. in Austrum, ab Ascalone 20. M. P. in Boream, à Geth 14.

„ Azotus, Afdot, & Turcis Alcet, Urbs Palestinæ in Judæa: una ex quinque Phi-
listhinorum Urbibus: à littore 3. M. P. inter Accaron 12. & Ascalonem 18. occur-
rens ... Azotus Palestinæ Urbs, non Syriæ.

„ Ascalo, Scalonâ, Urbs Palestinæ maritimâ ... una ex quinque primis Philistinorum
Urbibus: inter Azotum ad Septentrionem, & Anthedonem ad Austrum, ab Azoto
18. M. P. quod ferè inter Jamniam & Gazam.

„ Gaza ... Urbs Palestinæ .. una ex quinque Urbibus Philistinorum; nunc Aza &
Garara Ascaloni proxima, & Oræ littorali, inde 16. M. P. Rahiam versus 22.

„ Beth-sames Oppidum Palestinæ geminum; unum in Tribu Nephthalim, alterum
in Tribu Benjamin; testis B. Hieronym. Posterius Accaron urbi finitimum est. 8. M. P.
inde distans Hierosolymam versus.

Totum hujus Authoris Lexicon Geographicum, & quod Mediolani olim, & quod
Londini nuper impressum, ita mendis scatet, ut ex centenis locorum articulis, vix
unus sit, qui ab errore vacuus, & in quo non sit aliquid Geographicis insipientiis
refertum.

Geth Philistinorum Satrapia, & Getta Plinii, diversissimæ sunt Urbes. Getta sub
Carmelo monte, & prope Ptolemaidem describitur à Plinio. Geth longissimè hinc
(ne dicam penè 100. M. P.) distita, ad Austrum recedit, Urbibus in eodem littore
interpositis Sicamino, Dora, Cæsarea Palestinæ, Apolloniade sive Antipatride, Joppe
& Jamnia. (Getta & Jebba Plinii cum Jephthæ, & Gaba, quæ in finibus Zabulon &
Aser, respondent.) Inter Ascalonem & Gazam. Hoc falsum. Geth inter Satrapias
quinque Philistinorum omnium Borealissima est; Ascalon & Gaza Meridionalissima.
Accarone & Azoto positis inter Geth, & Ascalonem.

Accaron ab Azoto 8. M. P. in Austrum, ab Ascalone 20. in Boream, & hoc falsis-
simum. Ascalon etenim est ad Meridiem, sive ad Austrum, & 12. M. P. tantum ab
Azoto, & 12. ab Accarone, & 24. aut 28. à Geth.

Azotus in Antonino nulla est, & pro 18. M. P. inter Azotum & Ascalonem, reti-
nuimus 12. M. P. ut patet ex Tabula Itineraria, & ex Brocardo, & ex aliis. Sed &
Ferrarius in Admonitione post litteram A. adjecit: Azotus Urbs Palestinæ, non Syriæ:
atqui Palestina pars est Syriæ.

Ascalon Urbs Palestinæ maritima, inter Azotum ad Septentrionem & Anthedonem
ad Austrum; pro Anthedone melius dixisset: & Gazam ad Austrum; nam Gaza Ascaloni
proxima est ad Austrum, & inter Ascalonem & Anthedonem: tum & utraque Ascalon
& Gaza urbes sunt Palestinæ, Anthedon autem extrâ Palestinam Ptolemæo in Ægypti
Regione Cassiotide describitur: à Josepho, & Ptolemæo, in Idumæa, quæ inter
Ægyptum & Palestinam est, censetur. Addit Ferrarius post 18. M. P. quos inter Jam-
niam & Gazam, & id insulsum, & omnino ridiculum est. Jamnia Urbs extra omnes
Philistinorum Satrapias ab Ascalone distat penè 50. M. P. & Jamnia à Gaza 60.

Gaza nunc Azza & Garara: melius Aza nunc Arabibus, & Christianis Gazerâ.
Judith. 16. M. P. versus Ascalonem, & 22. versus Raphia; hæ locorum distantia de-
sumptæ sunt ex Antonino, ubi Tabula Itineraria deficit. Vereorque ne Anthedon inter
Gazam & Raphiam interponenda sit, nam & ipsemet Ferrarius jam posuit Ascalonem
inter Azotum, & Anthedonem: & Anthedon Ptolemæo omnium totius Ægypti Urbium
Gazæ propior accedit; & Josephus 13. Antiq. 21. eam locare videtur inter Gazam,
& Raphiam.

Beth-sames Op. Palestinæ geminum; (imo ternum ut habemus in Indice) unum in
Tribu Nephthalim, alterum in Tribu Benjamin; testis est Hieronymus. (Tertium est
in Tribu Isachar.) Nos fefellit Hieronymus, si Beth-sames urbem aliquam posuit in
Tribu Benjamin, ubi nulla ex tota Scriptura Sacra deprehenditur: benè quidem inter
Leviticæ Urbes è Tribu Juda desumptas, ut apud Josue & Paralip. Apud Josephum
autem Beth-sames ipsa ad Tribum Dan pertinebit: cum ipse Azotum, & Accaronem,
* * * * *

& Geth;